



Kat. Komp.

59589

Mag. St. Dr.

+ Martyr

*Adami Cantu Bellona coelestis
curis redimuta.*

Febr. 5075.

R

R

C

In

C



In

In

I

BELLONA

Cælestibûs laureis

REDIMITA,

DIVA

CATHARINA

VIRGO & MARTYR

Ad annuam suæ Solennitatis diem
In BASILICA Casimirienfi ad Cracoviã

ORDINIS Sancti AUGUSTINI



P.P. EREMITARUM

Oratoriô Stylô

In frequenti Dignissimi Auditoris Præsentia,

^A
M. ADAMO CANTIO

CHOROSZEWIC,

In Alma Universitate Crac: Philosophiæ Do-
ctore & Professore,

PROCLAMATA.

Annô Domini MDCCXXVI.

Die 25. Novembris.

CRACOVIAE Typis UNIVERSITATIS.



Longum probitas perdurat in ævum

Ovidius.

Famam extendere factis

Hoc virtutis opus *Virg: lib: 10. Æneid:*

Marmora Mæonij vincunt monumenta
libelli.

Ovidius.

Vita perit, mortis gloria non moritur

Ausonius.

Nulla militiæ Dei ætas inepta,

In qua annorum numerò

Non prosternitur virtus sed confirmatur

Neothericus.

Cedat in eximiũ tanti Pastoris honorem

Lud: Big:

59589-
111



PERILLVSTRI
&
ADMODVM REVEREN-
DO DOMINO,
D. ADALBERTO
WASNIOWSKI,

In Alma Universitate Crac: Artium Li-
beralium Magistro & Philosophiæ DOCTORI,
Ecclesiarum Collegiatæ Tarnoviensis, CANO-
NICO, Parochialis Jodioviensis CURATO,

Domino & Mecænati
Amplissimo.



*I*unio rem Sacra militia Praesidem, tri-
umphalibus redimitam laureis CA-
THARINAM, non tam cultû sub-
limioris elegantia adumbratam Stylô,
quàm profundô humilis dictionis ado-
ratam cultu, Tuum Nomen in certa-
men evocavit PERILLVSRIS & AD
MODVM REVERENDE DOMINE, DOMINE ME-
CÆNAS ÆSTIMATISSIME. In Tua equidem latepaten-
ti gloria Campo, ut sanctior sistat Bellona est necesse, quam
A voca-

vocale Tuarum virtutum & meritorum classicum provo-
care videtur. Pridem enim Tibi proprium est piis operi-
bus, cum ipsis certare Djs. Sacram in Calum Gigantoma-
chiam moves, virtutibus accumulas virtutes, rectefactorum
gradibus substituis gradus, quibus in siderea ascendas Pala-
tia. In tenera atate nihil non maturum egisti, nihil non
Cælo dignum. Felix illud Poli clima, sub quo talis & tan-
tus Tuorum Natalium es sortitus Lucinam, qui omnia lu-
ce peragis digna. Vbi alij domesticos incolunt lares, nimi-
um sua indulgentes atati, tu indolem Tuam bonarum
artium capacem in publicum Cracij Athenæi solum produ-
xisti. Optime virtutibus imbutus, facile & studijs libera-
libus poteras imbui & instrui. Roborasti egregias Tuas
dotes Grammaticis casibus, per quos de virtute in virtutem
procedebas. Curasti solertissimam vigilantiam studiorum pro-
fectum, sed simul & virtutis, bene in hoc eruditus, quod
optimus ibi profectus, ubi non est in superos pietatis defe-
ctus. Canebas ad dulcisonam docti lyram Apollinis Car-
mina, sed ita, ut & virtus vocalissimam haberet echonem, à colli-
bus Parnassi repercussam. Olympia Tue gloriæ erat Tullianus
Campus, quem ita decurrebas, ut nunquam in devium ires.
Tantum Te schola nactæ erant Alumnus, ut scientia in
mente Tua nata esse crederentur, quarum quælibet certa-
bat, quæ primò mentis Tue capacitate potiretur. Omnes
tamen vicere, quia omnes in Tuum animum influxere.
Spinæ Logicales in rosea sunt conversæ centifolia, ut se Tuo
Nomini conformarent. Pons Dialecticus Appia Tibi erat
ad Capitolium sapientiæ, quod Tibi prius refferatum erat,
antequam intendebas. Peritissimus Mandro iam tunc diffi-
cultatum præternavigasti profundum, cum alij in sicco ha-
rerent. Philosophicum emensus Eurippum, postquam in
portu omnis perfectionis stetisti, Iagellonica Pallas Te suam
lauream coronavit, sed Corona hæc quam receperas, non
erat Tua virtutis Coronis, non pramium sed illicitum pramij,
& hono-

Et honoris ulterioris fadus. Circulo laureali laborem pro
centro assignasti, à quo unaquaq; actus. Tui Et actionis
gloriosa ducta linea in honoris metam collimabat. Quid-
quid agebas, supra ceteros Tibi pares erat, cum quibus li-
cet in eodem honoris Academici consistebas gradu, omnes
tamen virtute Et eruditione excellebas. Difficile erat aliis
quod Tibi luculentum, Et quod Tu ponderis expers esse di-
cebas, hoc aliorum humeri ferre recusabant. Vidit Gracia
Minerva Tuos gloriosos actus, Et coronamentum augustius
nexit, obtulitq; secundam lauream, qua Tibi debebatur,
qui semper digna laureis immortalibus geris. Et cum ali-
orum merita sepe excedat Corona, Tua reconstituta, ut de-
bite coronarentur, secundam daphnide debuerant redimiri. Por-
rexisti digitum annulo, quem sibi prius sapientia desponsa-
vit. Liberalium artium insigne recepisti librum, cui totam
indolem Tuam mancipasti. Precinctum Caput Tuum lau-
ream Et Doctorali adornatum bireto; Te in omni quadra-
tum virum demonstravit. In statione Academica nunquam
stationarium egisti, Te unus alteri eripiebat labori. Orna-
sti spartam quam nactus fueras, sed illa Te minus fuit or-
namentum. Unus Academicus Tuis meritis Et virtutibus
non suffecit Orbis, unde felici passu, ex stoa ad stallum, ex
Academico ad Canonicum Senatum, ex Peripatbo ad Tem-
plum, ex Cathedra Scholastica ad Exedram sacram Et ad
Divorum Aras dicatus DEO Mysta, meritissimus Cano-
nicus Tarnoviensis transisti. Insigne Capitulum laureatò
Capite exornasti, nec desinus ornare. Alios licet non curasti
honores, curam tamen animarum ut haberes, Ecclesie lo-
doviensti Parochiali elegisti praeesse Et prodesse. Ornas spon-
sam Christi Ecclesiam suppellectilè pretiosâ, ditas egenorum
inopiam liberalitate profusâ. Pietate in superos adeò cla-
rescis, ut Aris ipsis splendorem superaddere videaris. De-
predicant Tua opera pia Xenodochia Et multi parietes di-
vulgant. Tuum sanè Nomen ubicunq; resonat, vocale est,

Et pretiosum. Ipsa campana quoties ore suo sonanti popu-
lum ad Divina convocat, toties Et Te Vigilantissimum
loquuntur Pastorem, quem Et ego meum Mecenatem ta-
cere non possum. A cunis me Tibi sanguinis nexus obligavit,
beneficia indies adstringunt. Nilus septem Oisjjs non ita
suam locupletat Egyptum, quam me Tua circumfluit mu-
nificentia. Quare ut fontem quem haurio coronare possim
Caestibus redimitam laureis Bellonam tibi censui dedi-
candam; ut inde conicias me velle continuâ erga Te Me-
cenatem gratitudine certare. Longiori Stylô in hanc exi-
guam pagellam Tua non deduco merita, quibus immortales
debentur fasti. Involvi silentiô Tuas eximias virtutes au-
rô cedrôq; digna reticui facta, sed non tacente pectore clien-
talia ehuntio vota: ut Patrocinante Tibi sanctiori Bellonâ
CAI HARINA, de omnibus triumphes adversis, solos pro-
sperrimos successus, honoresq; amplissimos meritis Tuis Et
virtutibus Nestoreis per Annos habeas subjugatos, meq;
Tuo Nomini agnoscas militantem, qui sum.

PERILLUSTRIS & ADMODUM
REVERENDÆ DOMINATIONIS
V E S T R Æ.

Cliens devinctissimus &
humillimus servus.
Author Operis.



ORATIO.



Ecurrem emeritæ virtuti ut præbeatur tutamen, scutum Persei, ac septemplex Ajacis clypeum quærite; ego vobis Oratorj's famulabor gradationibûs. AA. Ad primam enim vivendi incipientium mortalium lucem, feralem virtus patitur luem, & tristissimum occasum. Eâdem simultaneâ vice, quâ edunt Parentes progeniem, pariunt vitia. Vix nati infantes, jam vitj's adulti, nondum bene repere nôrunt, jam vitiosos circulos decurrunt. Ipsæ cunæ sunt virtutibus fatales urnæ. Imminuit virtutem damnosa filiorum ætas, Paren-

B

tum

tum nequitie vitiosior gignitur progenies, quæ cum virtutibus non possit, vitijs inclarescere prætendit. Herostratū infelicī imitatione æmulatur, bonarum incapax actionū perpetrat iniquas. Totus fermè incolarum Orbis pestiferum vitiorum Regnum est, virtutis Provincia nulla; vel si datur Imperium cui honesta virtus dominatur, sine pace est, cum vitijs pugnare solet. Multi illustres sui generis Ceras in fomitem scelerum convertunt, quorum cerei in vitia animi, has titulorum faces quibûs nomen suū clarescere putant, magis extinguunt quàm accendunt. Novi Enceladi, novi terræ monstra Gigantes, fastu inanī tument, montibus vitiorū imponunt montes, sine mente dicendi, quòd pugnent contra virtutis Olympum. Digni abyssalī baratri fundō, scelerum cumulum conscendere conātur, ut nobilem Cælū versùs sese erigentem probitatis deprimant palmam. Forsitan Orbis Incolæ solā satiati Lethe, memoriam virtutis amittunt, cujus adjumentō cuncta hominum opera, ab oblivione vindicantur. Optimus lanè etiam sine Magistro
in

in vitia profectus. Tendimus in vetitum
etiam sine stimulantibus æmulis, cupi-
mulq; negata, etiam sine incitantibus
motivis. Rarus Vlysses, quem illecebrarū
non decipiant Sirenes, & non in mille
acroceraunia ducant. Rarus Iason, quem
pro aureo virtutis vellere navigantem
horrendi scelerū ad se non invitent dra-
cones. Inter naufragia sunt crimina se-
cura, inter securitatis tutamina, virtutes
innumera pericula manent. Vix hone-
stæ virtuti contingit micare, vitia dimi-
cant, exercitus non alios sistunt, nisi sce-
leribus scelera jungunt. Excitant ignes
Martiales ut fatalē perennaturæ virtuti
rogum accendere possint. Vndiq; bel-
lica statuunt instrumenta, sed in virtutū
everfionem. Iam penè in vinculis vir-
tus est, pluresq; sui offensores quàm de-
fensores agnoscit; hōc ipsō disarmata,
quia à paucis amata. Desunt Romani
Cicerones, æqui honestiq; cultores, qui
seditiosos Catilinas, tutores scelerum
Cethegos, de virtutis Provincia faciant
exulare. Desunt virtuosī Euphormiones,
qui in vitia stylos & gladios vibrent. Sed
quousq; florida vividæ virtutis olea, fera-

libûs, deformium vitiorum opprimetur
taxîs? tandē etiam ad Novembrales fe-
rias, amœniûs revirescat. Cælo Dijsq;
gratissima virtus omnî venustior palmâ,
licet sola adversus magna vitiorum pō-
dera resurgat, habet tamen undē altiûs
sublevetur. Est illa per se scelerum vi-
ctrix, est fatorum domitrix; minimē ta-
men illi suffragium deesse potest, à quo
sibi suppetias mutuetur. Adest hodiē
Divinissima Heroïna omnî Amazone for-
tior CATHARINA, quæ Martyriō ar-
mata ense, pro virtutibus decertat in-
victissima. Hæ laureæ quibûs ipsa coro-
natur, etiam in virtutum immortales
adoreas cedunt. Hæc Sanctiorî Præsi-
de roborata Fides, Sapientia in publicū
eluctata solem, solos non desinunt age-
re triumphos. Ergo seipsam BELLO-
NAM Cælestibûs redimitâ laureis ve-
stris obtutibus præsentat. Imbellis Ora-
toris dictio sub Tuo victrici militans si-
gno, ne suō destituatur triumphō, Tuæ
auxiliares gratiæ implorat suppetias.
Sanctioris BELLONÆ classicū, meliûs
vestris intonabit auribus, modò paca-
tiores benevolentiae animos præbeatis.

Inter

etur
s fe-
ijsq;
lmâ,
pō-
tiūs
vi-
è ta-
quo
odiē
for-
ar-
t in-
oro-
ales
ræfi-
licū
age-
LO-
ve-
Ora-
ns si-
Tuæ
etias.
eliūs
aca-
atis.
er

INter virentes pacis almæ oleas bellum
semper minimè bellum non innuo,
nec ad Mavortia invito signa, hæc tamen
quisquis vel ipsâ revolvit mente jam
quid sit Bellona novit. Nomen à bello
habet, cui facta bellica, & militaria ser-
viunt instrumenta. Si enim Jovem ex
trifulcis fulminibus, si Cererē ex copi-
osa fruge, si Saturnum ex gravi super-
cilio, si ex caduceo Divorum Nuntium
cognoscere Mercurium licet, cur Bel-
lonam ex instrumentis bellicis non no-
scamus. Faciunt clariorem Bellonæ co-
gnitionem ignes bellici; acuta tela ex-
pressius in intellectu nomen ejus exa-
rant. Ambit pectus clypeus, Galea ca-
put premit, manum hasta implet, & un-
diq; plena cognitio Bellonæ. Martis æ-
mula cum sit, nil non Martiale spirat,
fulminantis Jovis progenies, fulminibûs
non orbatur. Sed quid mihi cū avida
sanguinis humani Bellona? quid mihi in
loco sacro cum Viragine profana? ubi
Divinior BELLONA Cælestibûs redimita
laureis Augustiniana in Eremo Castra
sua victricia metatur. Hæc sacro cau-
sâ Fidei exigente præsidebat duello, &

præfidere hucusq; solet, quidni Divinior
adoranda BELLONA. Pergo Gradatione
Oratoriâ in Alexandriam, quæ est natale
solum CATHARINÆ, ubi simul cum
clymate; heroicam dexteritatem forti-
ta. Alexandriam pro loco natali habet,
cujus positionem Martis Dominium te-
net. Et à Patria victricis fortitudinis
compos, & à confinio Martis BELLO-
NA. Regalî nata Familiâ, militiâ tunc
tractare inchoavit, quandò vitam, exer-
cituum Domino stipulata. Etiam ante
pugnam jam victricibûs laureis redimi-
ta, in cunis Herculeam spiravit virtutē.
Innatæ illi erant pugnandi vires, quamq;
alij fortitudinem, nisi cum tempore ac-
quirunt, hanc Diva BELLONA CA-
THARINA cum lacte suxit. Mu-
tavit natura munerum vices, in fœmina
posuit, quod maximè decet virum, imò
plusquàm virilem animum CATHARI-
NÆ concessit. Vix nata Diva Virago,
mox heroicum nacta robur, nondû in
publicam edita lucem, & jam victoriis
clara. Magnæ Infanti virentes palmæ,
ac victrices laureæ heroica fuere crepun-
dia. Magnis Natalibûs nata, sed major
certa-

certamine, prætulit puerilibûs crepundjâs sonitum tubæ. Crevit adolescens magis gloriosûs pro Fide adulta triumphis, quàm annis provecta. Quòcunq; parvula Infans vix usitatô Heroibus passu incedebat, in frontem illi victrices sese sinuabant corymbi. Quidquid atteruit mox ejus vestigium in laurum subitam eviruit, nec terra fuit, cui triumphalem non impresserit gressum, ubi vis insitû palmis nemus, & virentes laureæ succrescebant. Struxerat Maxentius adversa religiosæ Fidei castra, cum incastra coluit delubra; eodem thure, quò suos infumabat Deos, sacræ Fidei inficiebat odorem. Egit Fulminatorem Jovem, & Divûm Basilicas fulmine percutiebat adversô. Horridum jussit adorare Martem, ut mortem inferret Fidei Christianæ. Ast frustratus evanidô ausu, Maxentius Cæsar, qui seipsô majorem inveniri non censuit, in maximam incidit pro Fide Heroinâ CATHARINAM: cujus ne in domesticis angulis magna lateret dexteritas, ad Augustales Cælaris accessit Ceras, ibi cum Erebi monstris suum robur probatura. Inijt præcipuam

pugnam cum Deorum maximo Iove; & protinus invalidum cæpit haberi Maxentij bellū, ubi se prodidit Sanctioris Bellonæ virtus, quæ non alia proposuit sibi monstra domanda, quàm monstrosos Deos, pertinaciam Cæsaris Superando. Certabat strenuè cum maximo Cæsare non minor pro Fide Heroïna, de vano cultu Deorum; brevi eos promittens profanare. Maximis Maxentiū torquebat verbis, cum sempiternam minata est pœnam: Severum Diva Virago pro Fide sua indixit Maxentio bellum, quâ pro Fide certante, ipse fulminū minister Jupiter, ignem dictus jaculari Cælestem, combustus est subterraneò. Fatidicus Apollo ipse suæ ruinæ Augur erat, quam ex signis sacræ desumpsit BELLONÆ. Bellipotens Mars miratus sibi adversari BELLONAM, qui à sanguine quò Hecatombe sudabat, ruborem contraxit. Omnes Dij falsi in vera cesserunt spolia CATHARINÆ. Impius bellator astutum quærit dolum, ut gravem Deorum ulciscatur dolorem, vincere CATHARINAM cum non potuit ore, ære conatur superare. Labore summò cum de
illa

illa non possit victoriam, nummò præ-
tendit recipere. Tinnitu auri, sonitum
tubalium sanctioris BELLONÆ ver-
borum voluit perturbare. Medium pol-
licetur Regnū, ut tantū profanos per-
mittat regnare Deos: fastigiatos ultro ap-
promittit honores, ne sint ab illa in fa-
stidio. Ast infracti animi Virgo bene
novit, quòd aurum emolliat sæpè corda
& aciem ferri, non tamen aciem mentis.
Novit, quòd dives auri copia avari tan-
tū Martis pabulum esse soleat, non
sanctioris BELLONÆ, cui omnis salus
in thesauro sapientiæ DEO. Regnum
honoresq; appromissos improbo repro-
bavit Cæsari, non cum Maximiano sed
cum Jove Maximo Dominium habitura.
Hic stupefactus Cæsar, ingentem Vir-
ginis admiratus dexteritatem, cū ipse
superare non potest, contra exercitā
Divinīs studjīs, exercitum struere co-
natur. O quantus dolus! ipse eam evo-
cavit ad pugnam, & plures convocavit
Philosophos ut vinceret unam. Quinde-
nos magis mentō quā mente decoros
in acie sistit, ut sanctiorem BELLONAM
suis Dijs faciat militantem. O

miram Virginis audaciã! Domitor monstrorum Hercules contra duos pugnare recusavit, ast sanctiori BELLONÆ major animus ipsô Amphiteatrô fuit. Sistit in campo bellaci imperterrita animô & corde Virgo, nullius non victrix, à nullo victa. Cum subtilibus Philosophis non acie ferri sed mentis, non verberibûs sed verbis certatura. Impium censuit Diva Virago bellicos dare ludos per vulnera. Pro galea non imbelli ratione gaudebat, vincendi artes non dubiæ pro lorica illi fuere, certumq; in militaris prudentiæ præfidijs, quæ animum armaverant, habuit munimentû. Gaudet illa Panopliâ Fidei, scutô constantiæ, galeâ prudentiæ, loricâ castitatis, & alijs proprijs duello signis, sed non minus victoriarum insignibûs decoratur. In se ruentibus impij bellatoris militibûs, fortiter generosô restitit animô, dum jacta contra Fidem Christianam fulmina, fluidô sermone extinxit. Irrisit non lussit certamen illorum sanctior in Toga BELLONA, quæ strenuè pro Fide pugnans, veram recepit victoriam de falso Numine. Nec virtus sanctiori BELLO-

LONÆ deesse potuit, nec gloria; perfidos veræ Fidei impugnatores & simul cum his Maxentium superavit, qui adhuc seipsum non desinebat urgere, ut contra CATHARINAM urgerent Philosophi. Instabat, ne illi cessarent; has tamē, instantias evērtit CATHARINA, ut veritatem erigeret, quæ in falsis corruerat Dijs. Stupet Maxentius, dum tam multos mutos esse spectat; miratur & simul acceptantibus vota CATHARINÆ minatur Philosophis. Accenditur furore & fatalem expugnatis à CATHARINA accendit rogam, sed CATHARINÆ triumphalē. Fervorē suæ iræ, nisi tyrannicis extingvit ignibus. Prodeunt in paratas flammās, jam Divinō æstuan-tes amore Philosophi, longē sapientiores propter Christum; dissontem veritati cōtempserunt sapientiam, ex ignibus clariores evasuri. Iam ergo CATHARINA, tot nacta Bellonarios, quot cremandos vidit Christi Asseclas, qui ad plantas CATHARINÆ procumbentes, quidquid excesserunt ut parcat, precantur; sanctiorem BELLONAM adorantes. Signum suæ militiæ Crucem, à San-

ctiori recipiunt BELLONA CATHARINA, in quo quidquid tormentorum viderunt, omnia vicerunt. Inijciuntur flammis, sed illas Divini amoris extinguunt fervore; fortior erat ignis, qui intus eorum accendebat corda, quam qui foris urebat. Sic in primos ignes, primi CATHARINÆ debuerant irruere Bellonarij. Voluit Maxentius ut in his flammis clariùs videret CATHARINA, quid agere fas sit? sed Increati Luminis Adoratrix, hos ignes umbras esse censebat, per quas splendor gloriæ æternæ capessitur. Erubescit ad flammam Maxentius, quod CATHARINA pavore non pallefcit, & magis furore acceditur, quod in Sanctiori BELLONA dexteritas non extingvatur. Meditatur quid cum CATHARINA agendum, ut victam habeat; quam nec dolus nec dolor percellit. Tandem cessat à furore, proponit pertinacem imò tenacē propositi Virginē, affabili emolliendā voce; & quam minæ non terrent, blanda captivabit adulatio, sic supponit. Invitat ad se, non duci jubet CATHARINAM, venientem salutat & blandā alloquitur voce. Quid
CA-

est o CATHARINA? hunc colis quem
non vides Deū? mea Numina quæ Tuis
adstant oculis, temerariō condemnas
aufu. Vide, quia Genere his quos conte-
mnis es cognata Dijs, ex tua Familia na-
sci possent Superi si vellent. Adverte fe-
rè meō dignam imperiō Tuæ venustatis
speciem. Cui ego spectatore meō ap-
plaudens oculō, Junonem sub illa latere
crederem, nisi Te Iunoni infensam sci-
rem. Sat decorè tuas rolea depingit Pur-
pura genas, utquid eam à proprij lan-
gvinis intendis mutuari cerussa. Inge-
nium indè Tibi instillatum esse video,
ubi est superūm augusta sedes. Audit
CATHARINA lætōq; verba Tyranni
confundit cachinnō. Everberat verbis
Maxentium, fucatam adulationis con-
temnit speciem, asperiora loquitur Ty-
ranno quàm audivit. Amens es o Maxen-
ti, dum Tuorum Deorum amans, an ne-
scis? quòd Fides ad hæc se extendat, quæ
suīs natura non attingit medjīs: hæc pro-
fana quæ adsunt fana, vana sunt, cōtemptu
magis quàm honore digna. Hæc quæ Tu
colis, funesto scias latere sub Orco, per-
petuīs umbrīs, nō luce supponas frui sem-

E

pter-

piternâ. Vetustatem Familiæ & venu-
statem meam ne æstimes, pulchrior &
antiquior Deus est, quia æternus, Tuis fi-
nem impositurus delubris. Vires meas
nondum probasti, & jam per adulatoria
reprobasti verba: fortior Te sum o Ma-
xenti in Spiritu D E I ambulando.
Auscultat hæc Tyranus & in suo oc-
cultat corde, verbis cum non possit,
pænis vult vincere BELLONAM.
Sub plagas destinat CATHARINAM,
ut Divinorem enervet BELLONAM.
quas subit libenter alacriq; animo su-
scipit, ex nervis & nervorum sonitu,
clariorem sacrae Fidei edens resonantiâ.
Arma fuere Diviniori BELLONÆ non
plagæ per quorû sonum, victoriæ tonû
patente excepit aure. Stetit immo-
ta tantis impulsa plagis, magis ridere
quàm flere visa, langvinem stillare malu-
it quàm lachrymas. Siluit sub pænis &
saluit, cæsa & læsa nervis, non tamen
enervata; suâ Patientiâ lictores vicit, nec
ab illis victa. Decuit Divinorem BEL-
LONAM vincere non vinci. Vidit Ma-
xentius, quòd nondum CATHARINAM vi-
cit, vidit, quòd ijsdē nervis quos illi appli-
cavit

cavit, nec vincere nec vincere potuit.
Illam carcere claudit, quasi in carcere
Divinior triumphô careat BELLONA.
Falleris o Maxenti, etiam clausa suam
dilatabit potentiam CATHARINA, & in
carcere BELLONAM aget. Duodenô
spatiô famem pro pœna dedit CATHA-
RINÆ, ut ejus dexteritatis aboleret fa-
mam. Torquet illam in carcere & ipse
dubiô torquetur animô, quomodô BEL-
LONAM vincere possit CATHARI-
NAM. Latebat profundis in visceribus
terræ Diva Virago, neminem tamen il-
lius latuit dexteritas. Fidus vitæ ami-
cus Cæsaris Conjux nomine Augusta,
properabat ad angusta carceris, ut Spô-
sam Christi (in quem occultè credidit)
inviseret CATHARINAM; quam cum
adire ipsa præ timore non potuit, cum
Duce ducentisq; militibus reducitur ad
Viraginem, ab illa nihil non augusti au-
ditura. Quò in arctioribus Diva Virgo
fuit clausa cancellis, eò se religio Fidei
& latius fudit & longius. Prædicabat Au-
gustæ nihil esse in terris tam Augustum,
quàm Christum, ad quem per angustias
est eundum. Animabat exanimatorum

Deorum servos, omnes cum Augusta
milites, ut strenuū pro Fide veri ac vivi
Dei absolverent certamen, certam Cæ-
lestis victoriæ Coronam recepturi. Mi-
litarunt itaq; Christo felicî omine, omnes
sub signo CATHARINÆ Heroes fa-
cti; pro Fide Maxentio indixerunt bel-
lum, Sanctiorem nacti BELLONAM.
Postposuerunt murales Sui Cæsaris Co-
ronas, prætiosiores à Rege Cælesti ha-
bituri. Tonantem Jovem, sanctiorî to-
nitruô vocis, & Augustales contempe-
runt aquilas, ipretâ etiam eâ, quæ fulmē
gestabat Iovis. Cū colere noluerint
Deos, Capitū & vitæ messorē decollati gladiô, sed
illô sibi planum fecerunt iter ad gloriam.
Fractæ sunt illorum cervices, sed infra-
ctus animus, eodem ense quô cæsi sunt,
comparatæ illis victrices laureæ ac pal-
mæ immortales. Expectavit Augusta
Uxor Cæsaris, ut augustiorem cum Sā-
ctiori BELLONA reciperet victoriam,
& votis est potita suis. Præivere ducen-
ti milites ad coronā Augustæ, suis gres-
sibus quos in stadio militiæ Christi, sū-
mō studiô absolverunt, magis tritum
Augustæ fecerunt iter. Arctatur adhuc
CA-

uſta
vivi
Cæ-
Mi-
nes
ſa-
bel-
AM.
Co-
ha-
ito-
pſe-
lmē
rint
ō, ſed
iam.
nſra-
unt,
pal-
uſta
Sā-
iam,
cen-
greſ-
i, ſū-
itum
dhuc
A-
CATHARINA carcere, ſed gaudiō per-
fuſa, cor in Divinum dilatat amorem,
Summas Triadi Inſinitæ referendo gra-
tes, quòd tot in pugna ſua habuerit
Heroas victores. Iam ergo diſtriſtos
gerunt acinaces, quos Martyriā ſucceſ-
ſione recepere; jam Divinioris B E L-
LONÆ aſſeclæ, in meta perennis ſiſtunt
victoriæ, ipſam expectant Auguſtam,
& Sanctiori præeunt B E L L O N Æ.
Ratus Imperator, quòd eſurie CATHA-
RINÆ quâ illam in profundo premebat
carcere, ſuam nefandâ ſatiavit Oreſim;
ſatis ceſſuram putavit, & ſic victam ſo-
re autumavit. Niteris incuſſum o Ma-
xenti, CATHARINA miraculoſè per
cibum Cælitus deportatum, tibi fortius
adhuc indicit duellum. Divinior pro
Fide DEI BELLONA eſt, ſummus rerū
Arbiter, ſtupenda illi alimenta miniſtrat,
in carcere clauſa, vitam & triumphī cam-
pum non claudit. Adit tamen carcerem,
& animum CATHARINÆ ad majorē
addit victoriā; viſitat & vivam repe-
rit. Educi jubet carcerisq; vincula ſol-
vi, in latiori campo, BELLONAM pu-
gnare decet, non carcere vinci. Inquiri
F jam-

jamne præmeditata es, te velle meos
venerari Deos? intende sãtiùs Tibi quõ-
dam infensum modò mitiorem placare
Jovem. Respondet CATHARINA, ma-
lo imò volo probare Tonantem. Con-
demnat ad rotas CATHARINAM
Maxentius, qui Capitis patiebatur verti-
ginem, instructis eam quatuor alligat ro-
tis; BELLONÆ enim currus triumphā-
lis debebatur sed non talis. Alligat stre-
nuas manus, hīs tamen o Maxenti! licet
vinctis capeſſet triumphales laurus CA-
THARINA. Mancipat vinculis pedes,
qui sydera calcare debuerant non terrā.
Alis utiq; fertur victoria, & victrix BEL-
LONA CATHARINA, licet pedes in
vincula dedit, victrix tamen erat. Ver-
satilibus ergo circumdata rotis, sed fru-
stra; franguntur hæ rotæ, quibus CA-
THARINAM frangendam esse voluit
Maxentius. Ab his interire non potuit
circulis, quæ stelliferis orbibus & æter-
nitatis orbitæ reservata. Habuit quon-
dam in commentis veritatis culta BEL-
LONA suos Bellonarios, qui suum acu-
tis telis rumpebāt corpus. Sanctior BEL-
LONA CATHARINA suos torto-

res

res suos efficit Bellonarios, propriis læ-
fos, & cruentatos telis. Spectat hæc Au-
gusta Cæsar; suum quoq; expectat cer-
tamen. Arguit Maxentium & tanti re-
um proclamat criminis, quod innocuam
torqueat Viraginem. Cælitus eam de-
fensam esse asserit, eundemq; cum CA-
THARINA se adorare Deum profite-
tur. Opprimit Maxentius angustis tor-
mentorum & Augustam. Frustraberis
Maxenti Augustam in throno vidisti, e-
tiam in sacro Fidei certamine, sub sacræ
auspicijs BELLONÆ militantem Au-
gustam videbis. Ubera amittit Augusta,
Neonatham Ecclesiæ Filiam absque illis
decebat esse. Veterum commenta testan-
tur, Amazones mamillis carentes BEL-
LONÆ asseclas esse. Divinior BELLO-
NA CATHARINA, ne quoq; Amazo-
ne careret, Augustam habuit. Nondum
vicisti Maxenti, licet tot & tantis, sub
auspicijs sacræ militantibus BELLO-
NÆ, vitæ mandasti claudere diem, qui-
bus æternæ lucis splendor illuxit & af-
fulsit: solā reliquisti CATHARINAM
ut fortiùs illam vinceret. Scito hanc A-
lexandrinam Heroïnâ, pugnae diuturni-

oris compotem, etiam Macedone fortio-
rem esse BELLONAM. Funestò tandē
jam correptus furore Maxentius, Divi-
niorē mandat jugulare BELLONAM,
ne plures sub palmare sui convocaret
trophæum. Ducitur ergo non ad mor-
tis sed ad victoriæ locum, aligeris im-
mortalitatis ad Cæleste Capitoliū tran-
ferenda pennīs. Ut insculpi possent lau-
dis notæ, subiit ferrum. Separatur à
cervice Caput, sed non constantia à Vir-
gine sacra, sed non dexteritas à BEL-
LONA. Mirū est, sanguinem in lac
transmutavit CATHARINA, sitim quæ
in Cælare exarsit, lacte non sanguine
extingvendo. Non vult sacra Virgo suū
sanguine rubere collum, novi testamen-
ti sacrificium existit, ideo non cruentū.
Lactè non sanguine sudat, BELLO-
NAM Diviniorē sine cæde cruentā
ad æternum transmigrare Capitolium
decebat. Transmutatæ sunt cervices in
ubera, ut lacte Virgineo & Fidei Altricis
Religio adolesceret. Meritò triumphī
pompa Diviniori BELLONÆ fuit non
funeris. Bajulīs per aerem Diva Virgo
est lata Angelorum cohortibūs, & in
arduo-


arduo situata monte. Nullus par virtuti
plausus erat in terris Triumphatrici BEL-
LONÆ, ideo illi vocale plaussit Cælum,
& in excelsò montis clausit Mausoleo; ut
evidentiùs pateret Orbi triumphus BEL-
LONÆ sanctioris. Porro Sacri Præses
duelli victricibûs, ex tot perfidis ac Ma-
xentio reportatis decorata laureis, tot he-
roicis quæ cõmendantur factis; meritò est
BELLONA. Sed non jam sufficit in lau-
dem CATHARINÆ hebes acies mentis,
quæ suffecit in acie pugnax: Altiori co-
thurnò non petit erigi, quam tot Marti-
orum operum erexit celsitudo. In vobis
illam adhuc bellantem video Patres Re-
ligiosissimi, quotquot estis, tot sacros
Sanctioris BELLONÆ veneror Alu-
mnos, Divinæ & Ejus militantes famæ.
Sacrò contenti claustrò, terrena conte-
mnitis, vobis cū Cælo cognatio est. Vos
eruditas Doctores pennas in Acatoli-
corum mutatis pænas dexterrimi Athle-
tæ. Cælum vos adhuc in terris existentes
sibi vendicat, quos totos Cælestes facta
& virtutes comprobant. Iam innu-
meras taceo laudes, ne vestram lædere

videar modestiam. Te solùm Sacra
 Virgo & Martyr venerabundâ alloqvor
 dictione: BELLONA es Divinissima
 CATHARINA, ne bella infestent Po-
 loniam, Tuam illis potentiam oppone.
 Sceptriferam Almæ Universitatis Cra-
 coviensis Crucem sub Tuis auspicijs de
 omnibus adversis facias triumphare.
 Omnibus Tuæ protectionis
 exhibeas tutamen, Cælesti-
 bûs redimita laureis BEL-
 LONA, ut hactenûs
D I X I.



ra
or
na
o-
e.
a-
le

Biblioteka Jagiellońska



stdr0025492

